

## Natur Duw

Dyw Cristnogaeth ac Iddewiaeth ddim yn cytuno ar bopeth. Ond, mae gyda nhw un peth mawr yn gyffredin, sef y dyn lan staer, neu'r dyn ei hun.

Felly pwy, neu beth, yw Duw?

Mae tudalen gynta'r Beibl yn dweud, "*Yn y dechreuad, creodd Duw y nefoedd a'r ddaear*".

Sy'n codi'r cwestiwn, "Sut cafodd Duw ei greu?"

Yn anffodus, rydyn ni'n dal i aros iddyn nhw gyhoeddi'r gyfrol nesaf...

Mae stori'r creu yn dangos mai Duw yw creawdwr a chynhaliwr bywyd. Fe wnaeth y cyfan, a fe sy'n gyfrifol am barhad popeth.

Y pethau da, y pethau gwael, a hyd yn oed y pethau diflas.

Mae'r Beibl yn sôn am nodweddion arbennig Duw. Mae'n hollalluog, gyda phŵer diderfyn dros bopeth. Mae'n hollbresennol – ymhobman, trwy gydol amser. Mae'n hollwybodus, hynny yw, mae'n gwybod popeth sydd i'w wybod. Ac mae'n hollgariadus, sy'n golygu bod ei ddaioni'n ddiderfyn, a'i fod yn caru popeth.

Sy'n gallu drysu pobl weithiau, achos mae'r Hen Destament yn sôn yn aml am Dduw'n ymarfer ei sgiliau dinistrio, cosbi a mellithio. Yn yr hen ddyddiau, doedd gwylltio Duw ddim yn beth da.

Yng Nghristnogaeth mae gan Dduw dair agwedd – Trindod y Tad, y Mab a'r Ysbryd Glân, a dyma sail y fendith Gatholig.

Y creawdwr hollbresennol yw Duw y Tad, ond yna, pan anwyd Iesu ar y Ddaear i wneud iawn am bechodau dynol ryw, datgelodd mai fe hefyd oedd Mab Duw. A'r drydedd agwedd yw Duw yr Ysbryd Glân – llais i dywys dynol ryw.

Wedi drysu? Nid ti yw'r unig un. Mae Cristnogion wedi treulio canrifoedd yn dadlau am hyn. Ond dyw hynny ddim yn poeni Iddewon – achos iddyn nhw, dyw Iesu ddim yn amlygiad o Dduw o gwbl.

Un peth mae Iddewon a Christnogion yn cytuno arno yw mai dyn yw Duw. Does dim tystiolaeth fod ganddo farf, neu unrhyw nodweddion corfforol, ond ef yw 'ef' bob tro.

Er, 'dyw hynny ddim yn hollol gywir.

# Bitesize

Mewn rhai rhannau o'r Beibl, mae yna gyfeiriad at Dduw fel iâr famol. Ond mae ysgolheigion yn y ddwy grefydd yn cytuno nad oes wir unrhyw rywedd gan Dduw. Mae'r drafodaeth am union natur Duw'n ddiddiwedd.

Ond mae'r Beibl yn dweud yn glir, does dim modd i'r meddwl dynol ddeall Duw, sy'n ei gwneud hi braidd yn anodd ddod at unrhyw gasgliad pendant.